

Banja Luka, 20.10.2022.

## SAOPŠTENJE ZA MEDIJE

### U okviru projekta *Challenge to Change 3*

#### otvoren prvi poziv za inovativne privredne subjekte

Privredni subjekti iz Bosne i Hercegovine i Švedske sa inovativnim poslovnim idejama, proizvodima ili uslugama koje mogu dovesti do smanjenja nezaposlenosti, povećanja konkurentnosti i održivog društveno-ekonomskog razvoja u BiH, imaju priliku dobiti bespovratna sredstva iz *Challenge* fonda u okviru prvog poziva za prijavu aplikacija koji je otvoren od 12. oktobra 2022. godine.

Za potencijalne aplikante, u okviru ovog poziva, na raspolaganju je budžet čiji je indikativni iznos oko 480.000 EUR ukupno, a **rok za dostavljanje aplikacija je srijeda 23. novembar 2022. godine do 16,00.**

Za potencijalne korisnike iz kategorije startup-a, koji su registrovani najmanje 6 mjeseci, a najduže dvije godine, predviđen je maksimalni iznos granta do 10.000, 00 EUR, dok je za korisnike iz kategorije zrelih privrednih subjekata iz kategorije MSP (mala i srednja preduzeća, do 250 zaposlenih), koji posluju dvije godine i više, **maksimalan iznos grant sredstava do 30.000,00 EUR.** Aplikanti su obavezni obezbijediti i minimalno vlastito učešće od 50% ukupne vrijednosti predloženog projekta. Period implementacije projekta ne može trajati kraće od tri mjeseca i duže od 12 mjeseci.

Mogućnost prijavljivanja na javni poziv provodi se isključivo putem online apliciranja na elektronski sistem za apliciranje i evaluaciju (eMSAE) koji se nalazi na web stranici [www.c2c.ba](http://www.c2c.ba), gdje je dostupan i Vodič za aplikante, koji je sastavni dio Aplikativnog paketa. Aplikacije koje budu dostavljene putem pošte (štampana forma), putem faksa ili na neki drugi način, neće biti uzete u razmatranje, niti će biti predmet ocjenjivanja. U cilju detaljnijeg informisanja potencijalnih aplikanata, planirana je organizacija info sesija, čiji termini će biti objavljeni na projektnoj web stranici.

Projekt *Challenge to Change 3.0* je trogodišnji projekt koji će se realizovati kroz 4 javna poziva ukupne vrijednosti 3 miliona EUR, koji finansira Švedska. Projekt implementira Sarajevska regionalna razvojna agencija SERDA u partnerstvu sa Agencijom za razvoj preduzeća EDA, Banja Luka. Partner u projektu je i Region Ostergotland, Istočna Švedska.

Za više informacija kontaktirajte:

- Sanela Dževlan, Senior menadžer

Email: [sanela@serda.ba](mailto:sanela@serda.ba); telefon 033 641 520

- Srećko Bogunović, Projekt menadžer

Email: [srecko.bogunovic@edabl.org](mailto:srecko.bogunovic@edabl.org); telefon 051 300 241